



UNIVERSITÄTS-
BIBLIOTHEK
PADERBORN

Universitätsbibliothek Paderborn

MARTYROLOGIVM.|| DER Kirchenkalen=||der/

Canisius, Petrus

Dillingen, 1599

VD16 M 1284

29 A Narcissus Bischoff/ marterer vnnd Apostel zů Augspurg.

urn:nbn:de:hbz:466:1-41449

frauen Genofeue/deren leib geehret wirdt in S. Peters vnd Paulus Kloster auff dem Berg zu Paris/ von welcher oben am 3. tag Jenners weiter.

Item zu Metz die begräbnuß des H. bischoffs vnd beichtigers Terentij.

Item die begräbnuß des H. Münchs Dodonis/ der ein jünger war S. Vithmari des bischoffs.

Item die erhebung der H. Junckfrawen vnd marterin Cunere/ auß S. Bisule gesellschaft/ welche erhebung geschehen ist durch S. Wilibrordum Bischoff zu Brich. Von ihr ist am 18. Tag Brachmonats weiter gemelt.

Anno Dñi
700.

Item zu Lüttich S. Lamberts/ des H. marterers Kirche weyhung im sechsten Jar des Bisthums Baldrici/ von dem H. Erzbischoff zu Eöln Herbercto geschehen.

Item zu Werzel in Bemonde des H. Bischoffs vnd marterers Honorati/ so ein jünger vnd nachkomer war des H. Eusebij/ daselbst bischoffs vnd marterers gewesen. Hat auch wider die Arianische Ketzerey mit seinem Meister emsiglich gekempffet/ vnd darumb allerley verfolgung erliden/ wirdt auch von etlichen am nächstfolgenden tag gesehet.

Item der achte Tag der H. Königin Bisule/ vnd ihrer H. Gesellschaft der auffsent Junckfrawen.

A iiij. Calend. Nouembris.

Der XXIX. tag im Weinmonat.

Zu Jerusalem ist heut der Geburtstag des H. bischoffs vnd Patriarchen Narcisi/ welcher nicht allein

allein mit vielen wunderzeichen / sonder auch mit sonder-
 verhailigkeit / gedult vnd liebe scheinbar war / wiew dar-
 nach den zorn seiner mißgönnner / eylet in ein wüstin Gore
 allein zu dienen / füret lange zeit Einsidlich leben / ward
 aber vom Volck mit grossen ehren zu seinem Bischoflich-
 en Sitz geführt / hat biß inns alter sein befolhne Heerd
 erewlich gewaidet / vnd endelich den H. Alexandrum an
 sein statte verordnet / er aber biß in das 116. jar seines al-
 ters Gott mit betten gedienet.

Anno Dñi
170.

Item zu Augspurg der geburtstag des H. bischoffs
 vnd marteyers Narcisi / welcher zur zeit der blüthgirtigen
 Kayser Diocletiani / vnd Maximiani zu Gerunda inn
 Hispania Bischoff war / zog mit seinem Diacon Feli-
 ce / auß Göttlicher offenbarung / auß Hispanien inns
 Teutschland / machet zu Augspurg auß der Sünderin
 Asea / ein H. Bäfferin / sa marterin / beköhrte sie sampe
 frey Mütter Hilaria vnd drey Dienstmägden / wie oben
 am 7. tag Augstmonats gemeldet ist. Nach dem er nun
 inn demselben Land ein groß Liecht des Glaubens hee-
 scheinen lassen / kam er wider gen Gerunda zu seiner Kir-
 chen / vnd ward daselbst mit seinem obgemelten Diacon
 gemartert.

Item inn der Statt Sidon / inn Palestina / des H. Anno Dñi
 Priesters Zenobii / welcher zur zeit der grewlichen verfol- 288.
 gung / so die Christen liden / durch enthauptung mit der
 marter gekrönet ist worden.

Item in der Landschaft Lucania / der H. marteyer
 Jacinthi / Quinti / Felicitant / Julij vnd Lucij.

Item zu Santen in Colner Bisshumb / die erhebung
 des H. marteyers Victors / der ein Hauptman war auß
 S. Morizen gesellschaft. Von welchem oben am 10.
 tag diß Monats weiter.

Es ist

Item

Item des H. bischoffs vnd beichtigers Apiani.

Item des H. bischoffs vnd beichtigers Honorati / von dem weiter am nechstfolgenden tag.

Item des H. bischoffs vnd Beichtigers Abdie / welcher von den H. Aposteln Simone vnd Juda zu Christo bekört / vnd zum Bischoff zu Babylonia geordnet worden / soll der Apostel leyden beschriben haben / vnd bis zu seinem tod trewlich gepredigt / ist bey den Leibern der H. Apostel begraben worden.

Item zu Wien in Franckreich / des H. bischoffs vnd beichtigers Theodarij / vnd sein erhebung an dem Ort / Vallis Rübiana genant.

Item inn Flandern / inn der Burg Lensis genant / des H. Bischoffs vnd Beichtigers Bulgani.

Item die ander erhebung des heyligen Beichtigers Vincentij.

Item des H. Beichtigers Dodonis / dessen leb ehück bey dem Kloster in Fama.

Item in der Statt Passaw der Triumph vnd Sig der H. Bischoffen Maximiliani des marterers / vñ Valentini des Beichtigers / so daselb der Kirchen vnd des Stiffis fürnemme Patronen seind.

Item zu Münster die ankunfft der Häupter der zweyen hayligen Ewalden / Priestern vnd Marterern / vonn wellichem oben am dritten Tag dis Monats weyter.

Item in dem Flecken Melbricis / zwischen Louen vnd Cenas in den Bergen / der hayligen Junckfrawen Ermelendis.

Item der heyligen Junckfrawen Nictrudis.